

Causa Constitutions edenda, & confirmatio Privilegiorum.

firmitatis robur obtineant, nostrae approbationis munimine approbati. Quare Nobis humiliter supplicari fecerunt, ut eorum votis annuere de benignitate Apostolica dignemur.

§.1. Nos igitur qui liberalium artium Professores speciali dilectione prosequimur, Collegiorum praedictorum singulares Personas quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum harum serie absolventes, & absolutos fore censentes, hujusmodi supplicationibus inclinati, omnia, & singula privilegia, immunitates, praerogativas, facultates, praerogativas, libertates, gratias, & indulta Collegiis praedictis, tam ab ipsis Pontificibus Praedecessoribus nostris, quam ab Imperatoribus, & Regibus Romanis, ac aliis Principibus concessa, quorum omnium tenores, ac si de verbo ad verbum infererentur praesentibus, haberi volumus pro expressis, quatenus sint in usu, & Sacris Canonibus, ac praesertim Decretis Concilii Tridentini non repugnent, auctoritate Apostolica tenore praesentium approbamus, & confirmamus, ac illis perpetuae, & inviolabilis firmitatis robur adiciamus, eaque firmiter observari debere decernimus, suppletentes omnes, & singulos juris, & facti defectus, si qui forsitan intervenerint in eisdem.

Doctores artium liberalium Philosophiae & Medicinae creati Equites auro.

§.3. Et nihilominus praemissa omnia, & singula, prout per Praedecessores nostros, Imperatores, Reges, aliosve Principes concessa sunt, Apostolica auctoritate tenore praesentium de novo concedimus, ac omnes, & singulos Doctores in artium liberalium Philosophiae, & Medicinae Collegiis hujusmodi cooptatos praesentes, & futuros milites, & equites auratos auctoritate Apostolica eorumdem tenore praesentium creamus, constituimus, ac aliorum militum, & equitum auratorum numero, & consortio favorabiliter aggregamus, eosque protalibus haberi, nominari, & reputari, necnon omnibus, & singulis praerogativis, privilegiis, & exemptionibus, favoribus, gratiis, & indultis, quibus ceteri Milites, & equites aurati de jure, vel consuetudine, aut alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, gaudere libere, & licite posse, & debere decrevimus.

Facultas aggregandi Doctores ad militiam auratam cum aliis privilegiis.

§.4. Et insuper eisdem Doctoribus quocumque, quos Militari dignitate, & honore dignos esse putaverint, hujusmodi dignitate, & honore cum solita militaris cinguli & calcarium deauratorum exhibitione decorandi, & aliorum Militum, & equestrium virorum Ordini aggregandi, plenam, & liberam auctoritate & tenore praedictis auctoritatem, & facultatem concedimus. Praeterea quod omnes, & singuli in Collegiis hujusmodi ad Doctoratus, vel Magisterii, seu licentiarum, aut alios gradus pro tempore

promoti omnibus, & singulis antelationibus, privilegiis, praerogativis, libertatibus, immunitatibus, exemptionibus, praerogativis, honoribus, facultatibus, gratiis, favoribus, & indultis, quibus alii Doctores licentiatii, & graduati in quibuscumque aliis Universitatibus, tam citra, quam ultra Montes ad Doctoratus, vel Magisterii, aut licentiarum gradum juxta illorum ritus, & mores promoti, de jure, vel consuetudine, aut alias quomodolibet utuntur, potiuntur, & gaudent, uti, potiri, & gaudere in omnibus, & per omnia, perinde ac si Doctoratus, Magisterii, licentiarum, & alios gradus hujusmodi in eisdem Universitatibus juxta illorum ritus, & mores suscepissent, libere, & licite possint, & valeant, praedicta auctoritate Apostolica eorumdem tenore praesentium statuimus, & ordinamus.

Mandatur executio.

§.5. Quocirca Venerabilibus Fratibus Archiepiscopo Bononiensi, & Episcopo Imoleni, & dilecto filio Abbati Monasterii S. Stephani Ordinis S. Benedicti Bononiensi, per praesentes committimus, & mandamus, quatenus ipsi, vel duo, aut unus eorum, per se, vel alium, seu alios praesentes literas, & in eis contenta quaecumque ubi, & quando opus fuerit, ac quoties pro parte Doctorum praedictorum, seu aliquis eorum desuper fuerint requisiti, solemniter publicantes, eisque in praemissis efficacis defensionis praesidio assistentes faciant auctoritate nostra praesentes literas, & in eis contenta hujusmodi firmiter observari, ac singulos, quos praesentes literae concernunt, illis pacifice frui, & gaudere, non permittentibus eos desuper per quoscumque contra eorumdem praesentium tenorem quomodolibet molestari, contradicere quoslibet, & rebelles per censuras, & poenas ecclesiasticas, appellatione postposita, compescendo, ac legitimis super his habendis servatis processibus censuras, & poenas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis.

Derogatio contrarium.

§.6. Non obstantibus fel. rec. Bonifacii Papae VIII. Praedecessoris nostri de una, & Concilii Generalis de duabus dietis, dummodo ultra tres dietas aliquis auctoritate praesentium ad iudicium non trahatur, & quibusvis aliis Apostolicis, necnon in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ac Cancellariae Apostolicae per Nos, & Sedem eandem in contrarium forsitan pro tempore editis, necnon legibus Imperialibus, statutis, & consuetudinibus, etiam Civitatum, & locorum, ac illorum reformationibus, etiam juramento, confirmatione Apostolica, vel quavis firmitate alia roboratis, necnon quibusvis privilegiis, indultis, & literis Apostolicis, etiam quibusvis Universitatibus Studiorum Generalium, Collegiis, etiam Archiviis Romanae Curiae, & quibusvis aliis locis, etiam ad instantiam Imperatoris, Regum, & Reginarum, Ducum

Dat. die 27. Julii 1583. An.XII.

cum, Principum, & aliorum Dominorum temporalium concessis approbatis, & innovatis. Quibus omnibus, etiam si de illis, eorumque totis tenoribus specialis, specifica, individua, & expressa mentio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata inserti forent praesentibus, pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliquibus communiter, vel diversimodis dicta sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Datum Romae apud S. Marcum, sub Annulo Piscatoris, die vigesima quinta Julii, 1583. Pontificatus nostri Anno XII.

CLV.

Forma publicandi resignationes beneficiorum Ecclesiasticorum, in Curia, & extra.

Quae autem resignationes ab Episcopis admitti possint, definit Pius V. in Const. LXXX. Quanta Tom. IV. Par. III. fol. 10. Formaeque desuper literas Apostolicas expediendi praescribit in Const. L. Cogit T. IV. Par. II. fol. 360.

GREGORIUS EPISCOPUS SERVUS SERVORUM DEI

Ad perpetuam rei memoriam.

Causa Constitutionis.

H Umano vix iudicio ita bene quicquam, & providenter sanciri potest, quin usus saepe aperiat, doceatque id, quod salubre fore credebatur, minus experiendo prodesse, quod in illis Constitutionibus, quas ad prohibendas simulatas, occultasve beneficiorum ecclesiasticorum resignationes diversi Romani Pontifices multifariam ediderunt, & fel. rec. Pius Papa V. Praedecessor noster novissime promulgavit, cognoscimus accidisse.

Omnis resignationes, & jurium concessionibus publicari debent intra sex menses, si beneficia sint circa motes, si vero ultra, intra novem.

§.1. Nos hoc malum, prout occasio necessitasque postulat, coercere volentes statuimus, ut posthac omnes, & quaecumque resignationes, etiam causa permutationis, ac commendarum, etiam literis Apostolicis non confectis, & possessione non habita, necnon litis, & jurium quorumcumque concessionibus, & retrocessionibus, quae deinceps de quibuscumque beneficiis ecclesiasticis, in nostris seu Romani Pontificis pro tempore existentis manibus, ac etiam coram Notario publico, & testibus sicut, & a Nobis, vel illo, seu nostro, vel illius mandato admittentur, & super eis provisiones, & quaecumque aliae dispositiones, sive temporales, sive perpetuae, aut ad hoc mandata Apostolica, sub quacumque forma, & quibuscumque etiam S. R. E. Cardinalibus, ac piis locis quocumque privilegii Bull. Rom. Tom. IV. Par. IV.

gio suffultis facta publicari debeant cum literis Apostolicis desuper confectis, intra sex menses, si beneficium citra montes fuerit, ultra vero intra novem a data concessionis gratiae, non autem a die praesentis super ea consensus numerando, etiam si postea concessio gratiae hujusmodi ex quavis causa, diversisque subsequentibus datis, ac quotiescumque, & quovis modo reformata, & valida reddita fuerit, pluresque, & quotquot in alium, vel alios cessiones, ac etiam in ipsummet primum resignantem, vel cedentem, retrocessionibus termino praedicto nondum elapso intercesserint, ita ut unicuique dumtaxat terminus omnibus his successivis cessionibus, ac retrocessionibus decurrat, ut qui postremam gratiam habuerit, publicationem hujusmodi facere, ceteraque omnia hic praescripta intra eundem terminum praestare teneatur.

Forma publicandi resignationes, & cessiones.

§.2. Ipsa autem publicatio in Cathedrali, & in beneficii Ecclesia, vel Ecclesiis, si in pluribus illud sit, fiat ubique, dum frequens populus ad Missarum solemniam convenierit, palam omnibus literis Apostolicis praedictae, earumve transcriptum authenticum exhibeatur, claraque, & intelligibili voce resignatio, cessio hujusmodi, ac beneficii qualitas, invocatio, nominatio, & cognomina resignantis, seu cedentis, ac illius in cuius favorem gratia hujusmodi facta est, pronuncietur, ita ut haec omnia possint ad notitiam omnium ibi existentium verisimiliter pervenire, scriptoque de his omnibus exemplo collato valvis dictarum Ecclesiarum affixum relinquatur. Si vero Ecclesia beneficii ruralis sit; aut populo, conventuque careat, eo casu in Parochiali, intra cujus Parochiae limites beneficium ipsum consistit, & in Cathedrali Ecclesia, vel si locus bello, seu peste, aliisve manifestis periculis subiacet, tunc in proxima parochiali, ac etiam in Cathedrali Ecclesia, vel si aditus ad illas, aut utramvis minime sit securus, in alia Cathedrali, vel Parochiali viciniori periculis immuni publicatio hujusmodi peragatur.

Declaratio circa apprehensionem possessionis beneficiorum &c.

§.3. Is quoque in quem disponi, vel mandari de beneficio etiam litigioso, vel accedente non possessore, sub quacumque forma contigerit, possessionem beneficii intra dictum tempus vigore literarum Apostolicarum desuper confectarum, nec alias apprehendere debeat, & si propter litem aut aliud legitimum impedimentum nequeverit, saltem literas Apostolicas cum earum publicatione, si tunc facta erit, Judici, seu executori illarum, vel aliis, ad quos pertinet, per se, vel procuratorem suum legitimum intra idem tempus praesentare, & apud illum, vel illos pro ipsarum literarum executione instare, & possessionem hujusmodi instanter petere teneatur.

Forma praedicta servari debet in omnibus beneficiis specificis, & non per aequipollens.

§.4. Ceterum modus, & forma hic tradita, semper, & ubique debeat observari, nec alia, vel aequipollens ullo modo admitti in omnibus hujusmodi resignationibus, & retrocessionibus, de quibuscumque Ecclesiis, Monasteriis, Prioratibus, & ceteris.

ratibus, tam virorum quam mulierum dignitatibus, officiis, & beneficiis ecclesiasticis, secularibus, & quorumvis Ordinum, etiam militiarum regularibus, etiam electivis, & manualibus, ac etiam de jure patronatus laicorum illustrium, & alias quomodocumque existentibus, sive pacificis, sive in petitorio, sive in possessorio litigiosis, etiam de quibus in Consistorio nostro dispositi consuevit, seu debet, quae posthac ex quacumque causa fient, & per Nos, ac praedictos Successores, extra tamen dictum Consistorium admittentur, etiam cum reservationibus nominis, tituli, administrationis, possessionis, fructuum etiam omnium, ac rerum, & jurium quorumcumque. Ad praedictorum tamen observationem eum, in quem juris fit cessio beneficii, quod tempore cessiois hujusmodi, & ante illam vigore literarum Apostolicarum, ut supra, si ad id tenebatur, publicatarum realiter possidebat, nolumus obligari.

Annulatio
resignationis,
& cessationis,
non observatis
praedictis.

§.5. Quod si quicquam praedictorum omnium omnium fuerit, dictis terminis, ut cuique praescripti sunt, elapsis, omnes dispositiones, & gratiae resignatorum, & cessorum beneficiorum, aut jurium hujusmodi, cum omnibus inde secutis, sive de pacificis, sive de litigiosis, sint irritae, & inanes, nullaque alia gratia super hujusmodi beneficio, sive jure cesso iis quibus concessa fuerit, suffragetur, sed ipsi tales inhabiles, & incapaces sint ad hujusmodi beneficia sic resignata, & cessa, quomodocumque obtinenda, illaque sive jura ab ipsa statim prima resignatione, seu cessione, etiam si illae alias nullae, & invalidae essent, vacavisse, & vacare censeantur eo ipso, nec resignantibus, seu cedentibus, si postea in sua possessione remanent, constitutiones de annali, & triennali possessore, nec praesumptae, aut tacite retrocessionis, etiam propter diuturnam continuatae possessionis hujusmodi tolerantiam, nec omnino aliud jus, vel beneficium ullo tempore suffragetur, sed ipsa beneficia, sive jura sic a principio vacantia, a Sede Apostolica praedicta dumtaxat impetrari valeant, ac concedi. Illorum vero impetrationes, vel etiam Motu proprio concessiones, quibuscumque derogationibus suffulta numquam sub clausulis generalibus, aut vacationum modis conditionalibus, vel implicitis comprehendantur, sed specialiter, & expresse ob non servatam praesentis Constitutionis formam, ac cum declaratione nominum, & cognominum resignantis, seu cedentis, & gratiam habentis dispositive, & conditionaliter fieri omnino debeant, & quicumque sic impetrans, aut gratiam, etiam Motu simili habens praefinitum cuique casui tempus praedictum a data concessionis gratiae sibi factae hujusmodi, ea omnia, quae cadens a jure praedictio debebat, praestare teneatur, & si pluribus gratiam hujusmodi fieri contigerit, is praem omnibus obtineat, qui primus publicationem suae impetrationis fecerit, & possessionem adeptus fuerit, aut petierit, omniaque requisita praedicta

adimpleverit, quamvis in data sit postremus, & possessio ab alio in publicando negligentiore prius apprehensa fuerit, vel petita. Reservationibus omnibus nominis, administrationis, fructuum, etiam omnium, ac pensionum, & aliarum rerum quarumcumque, necnon facultatibus, indultis, & aliis concessionibus, tam ipsis resignantibus, seu cedentibus, qui tamen possessionem ab initio ipsa dimiserint, quam aliis, ex hujusmodi resignationibus, seu cessionibus a Sede Apostolica factis nihilominus validis, plenumque effectum sortituris.

§.6. Sed ne beneficiis super possessione, vel proprietate litigiosis litis prosecutio turbari valeant, vel differri, in causis hujusmodi contra cedentem ad ulteriora, etiam ad sententiam definitivam, & rem judicatam, ac illius executionem quousque ille, qui gratiam ex resignatione, seu cessione, aut ex omnia forma publicationis hujusmodi obtinuit, ad causam, per se, vel procuratorem legitimum accesserit, litemque hujusmodi susceperit, eodem modo, & ordine procedi possit, quo potuisset legitime, si cessio hujusmodi facta non fuisset, ac quicquid interim sic procedendo decretum, & expeditum fuerit, sive cum cedente, sive contra eum, etiam postquam ipse, vel quivis alius incumbens sibi secundum praedicta praestiterit, non solum circa fructus, sed etiam circa possessionem, & ipsum jus, quod cessum est, valeat omnino, & vim obtineat, illumque ipsum, cui gratia facta est, non minus afficiat, quam si ipso legitime citato contra eum decretum, & expeditum fuisset, nec ipse adversus haec, praetextu non acceptatae gratiae, vel etiam illius ignoratae, aut citationis, vel intimationis executioni contra ipsum minime demandatae, aliave ratione valeat excusari. Possit tamen ipse, etiam si in lite, & causa hujusmodi subrogatus non sit, quomodocumque ad illius prosecutionem, & terminationem venire, & a Iudice, coram quo causam ipsam, etiam ex delegatione pendere contigerit, in illis ipsis statu, & terminis, in quibus tunc eam esse repererit, etiam absque rescripto speciali admitti.

Declaratio
quod procedi
possit in causa
litigiosa contra
cedentem, donec
succesor venerit ad
causam.

§.7. De beneficiis autem, quae deinceps in manibus ordinariorum collatorum, etiam Cardinalium, etiam indulta, & facultates ad hoc ab Apostolica Sede habentium, ac Legatorum, etiam de latere, & delegatorum, etiam specialium ejusdem Sedis extra Romanam Curiam resignari, etiam ex causa permutationis contigerit, ipsi intra mensem negocium univrsum admissionis, vel rejectionis resignationis hujusmodi, & si per eos facienda erit, provisionis resignati beneficii, juxta Apostolicas, & alias canonicas sanctiones omnino absolvant. Et qui sic provisus fuerit, intra tres menses a die sibi factae provisionis illam publicet, & possessionem beneficii capiat modo, & forma supradictis, alioquin illis elapsis nulla sit ejus provisio, & beneficium vacare censeatur eo ipso.

Forma admittendi,
& publicandi
resignationes, quae
sunt coram
Ordinariis,
vel Legatis.

§.8. Ordinariisque, & alii praedicti, qui,

hac
Poenae inobedientium.

haec, uti eis praescribuntur, non perfece- rint, eo casu potestate disponendi de ipsis beneficiis sint ea vice privati, eorumque dispositio eo ipso ad Sedem Apostolicam devoluta existat, ut aliis idoneis ab ipsa Sede dumtaxat modo, & forma praedictis concedantur, Decernentes sic per quoscumque judicari debere, necnon irritum, & inane, quicquid fecus super his per quoscumque scienter, vel ignoranter, contigerit attentari.

Clausula de
rogatorie.

Hec Bulla
Pii V. est in-
dicata in rub.

§.9. Non obstantibus praedicti Pii Quinti, & aliis omnibus aliorum Praedecessorum nostrorum Constitutionibus de publicandis resignationibus hujusmodi haecenus editis, & reformatis, quas omnes omnino abrogamus, Ita tamen quod in publicandis illis resignationibus, & cessionibus, quae in manibus nostris hucusque factae, & a Nobis admittae sunt, & tempus ad eas publicandas, juxta dicti Pii Praedecessoris Constitutionem nondum effluxit, Constitutio ipsa, quoad eas dumtaxat, integre observetur. Necnon resignantium sive cedentium voluntatibus, conditionibus, protestationibus, & clausulis, in ipsismet resignationibus, & cessionibus, seu procuratorum constitutionibus, & mandatis, ac alias etiam ad praeservationem suorum jurium, & significationem quod non aliter nec alio modo resignant, seu cedunt, appositis, & quacumque verborum vi, formula, & multiplicatione expressis, necnon indultis, privilegiis, & gratiis Apostolicis, etiam praedictis Cardinalibus, ac eorum, & nostris familiaribus continuis commensalibus, necnon literarum Apostolicarum Scriptoribus Abbreviatoribus, ceterisque Romanae Curiae officialibus, & ex quibusvis causis quomodocumque concessis, & confirmatis, quae omnia etiam tollimus, & annullamus, ceterisque contrariis quibuscumque.

Exemplorum
fides.

D.P. An. XII.
5. Januarii.

§.10. Ut autem praesentes amplius innotescant, volumus, ut earum exemplis etiam impressis, Notarii publici manu subscriptis, & sigillo personae in dignitate ecclesiastica constitutae munitis, eadem profus fides ubique, in iudicio, & extra illud adhibeatur, quae adhiberetur eisdem praesentibus, si forent exhibite, vel ostense. Mandamusque illas in librum quinternum appellatum Cancellariae Apostolicae ad perpetuam rei memoriam de more referri.

Datum Romae apud S. Petrum, Anno Incarnationis Dominicae millesimo quingentesimo octuagesimo quarto, Non. Januarii, Pont. nostri Anno XII.

Anno a Nativitate Domini 1584. indit. 12. die vero 19. mensis Januar. Pontificatus Sanctissimi in Christo Patris, & D. N. D. Gregorii Divina Providentia Pape XIII. Anno X. retrospectiva litera Apostolica afixa, & publicata fuerunt in vasis, seu portis Ecclesiarum S. Joannis Lateranensis, & Principis Apostolorum de Urbe, necnon in vasis Cancell. Apostol. & in Acie Campi Florae, per nos Jo. Freile, & Nicolaum Tagliettum Curf. Claudius Mongeat. M. Curf. Bull. Rom. Tom. IV. Par. IV.

Major sacri Eremiti Camaldulensis potest quando sibi expedire videtur, conferre Eremitis sibi in Eremito subiectis quatuor Ordines minores. Et Cardinales Episcopi ad d. Eremitum accedentes possunt etiam extra tempora, & non servatis interstitiis, sacros Ordines eisdem conferre, si ipsi Majori idonei videntur.

Cuncta, quae concernunt Ordinem Camaldulensem vide in Alexand. II. Const. XXXVIII. Nulli Tom. II. fol. 19.

GREGORIUS PAPA XIII.

Dilecti filii salutem, & Apostolicam benedictionem.

Um interna quies Fratrum Eremitarum Eremiti Camaldulensis Arcin. Dioecesis, ad quam consequendam ipsi Fratres Eremitae deserti loca petierunt, non parum soleat perturbari, quando ad ordines sacros suscipiendos foras exeunt.

Causa hujus
indulti.

§.1. Nos huic incommodo providere volentes, Tibi, ut quando expedire videbitur, quatuor minores, necnon S.R.E. Cardinalibus, qui ad dictum Eremitum pro tempore accesserint, si Episcopi fuerint, ut omnes sacros, etiam Presbyteratus Ordines, etiam extra tempora a jure statuta, & non servatis interstitiis, Fratribus Eremitis praedictis, dummodo ad id iudicio tuo idonei existant, super quo conscientiam tuam omeramus, conferre, ipsisque Fratribus Eremitis illos recipere, libere, & licite valeant, Apostolica auctoritate tenore praesentium facultatem concedimus.

Indultum de
quo in rubra.

§.2. Non obstantibus Synodalis, Provincialis, & Generalis Conciliorum, ac quibusvis Constitutionibus, & Ordinatio- nibus Apostolicis, ceterisque contrariis quibuscumque.

Clausula de
rogatorie.

Datum Romae apud S. Petrum, sub annulo Piscatoris, die 7. Januarii, 1584. Pontificatus nostri Anno XII.

D.P. An. XII.
7. Januarii.

Erectio Hospitalis pro natione Maronitarum in Urbe.

Ex Regest. in
Secret. brev.

GREGORIUS EPISCOPUS
SERVUS SERVORUM DEI

Ad perpetuam rei memoriam.

Salvatoris nostri Jesu Christi, qui Nos ad pietatis cultum, & caritatis zelum quotidianis ejus per totum in hoc Orbe progressum exemplis hortatus est, vices licet immeriti gerentes in terris in eam curam, cogitationemque Nos propensius incumbere decet, per quam provisionis nostrae ministerio debita Hospitalitas erga cunctos Christianos, praesertim pauperes ex remotissimis Provinciis ad hanc Urbem, veluti

Exordium.

Causa ere-
ctionis Hospi-
talis, necnon
Constitutionis
edenda.

luti devotionis omnium nationum portum
confluente exercetur, illisque gratuita
subsidia impendantur.

§.1. Cum itaque sicut accepimus, Ma-
ronitarum natio, quos infideles, & Scisma-
tici, ac alii Christiani nominis hostes un-
dique circumstant, in Catholica Fidei sine-
ritate, S. R. E. obedientia, & devotione a
multis seculis persistant, quin etiam eidem
Romanæ Ecclesiæ in omnibus fidei articulis
sibi per Visitatores de gremio Presbytero-
rum Societatis Jesu illic transmissis propo-
sitis se conformet, & multi hujus nationis
indigenæ devotionis zelo permoti ad ipsam
Urbem accedere consueverint. Nos nationem
hujusmodi, ut ejus erga Nos, & Sedem
Apostolicam devotio per amplius augeatur,
piæ voluntatis affectu prosequi, & illius in-
digenis præfatis de peculiari loco, in quo
caritative recipi, & confoveri possint pro-
videre volentes, Parochialem Ecclesiam
S. Joannis de Ficoria Regionis Trivii de Ur-
be, quæ alias a fel. rec. Pio Papa V. Præde-
cessore nostro Parochiali Ecclesiæ S. An-
dreæ de la Fratta ejusdem Regionis Aposto-
lica Auctoritate, unita, annexa, & incor-
porata existit, cum suis domibus, ædificiis,
hortis, hortaliis, & aliis membris, & per-
tinentiis eidem Ecclesiæ Sancti Joannis con-
tiguus huic usui satis amplam, & commo-
dam fore judicamus, proinde unionis, an-
nexionis, & incorporationis hujusmodi te-
nores, presentibus pro expressis habentes.
Motu proprio, non ad ipsius nationis, vel
alterius pro ea Nobis super hoc oblate peti-
tionis instantiam, sed ex mera deliberatio-
ne, & certa scientia nostra, deque Apostoli-
cæ potestatis plenitudine, unionem, an-
nexionem, & incorporationem hujusmodi,
Apostolica auctoritate tenore presentium
dissolvimus, & in ipsius Ecclesiæ S. Joan-
nis, nomen, titulum, denominationem,
& essentiam Parochialis Ecclesiæ, etiam
perpetuo supprimimus, & extinguimus ab
eaque omnimodam curam animarum illius
Parochianorum, necnon omnia, & singu-
la ejusdem Ecclesiæ Sancti Joannis fructus,
redditus, proventus, jura, obventiones, &
emolumenta, si qua sint, exceptis dumtaxat,
& salvis remanentibus eidem Ecclesiæ
S. Joannis illius domibus, ædificiis, hortis,
hortaliis, membris, & pertinentiis præfa-
ctis, eorumque situ, & ambitu, ex quibus tri-
ginta scuta monete, vel circa annuatim
percipi consueverint, & pro quibus dictæ
Ecclesiæ Sancti Andreæ æquivalentes re-
compensas in tot locis montium non vaca-
bilibus annui redditus triginta scutorum
monetæ, Julii decem pro quolibet ducato
hujusmodi computatis, dicta auctoritate si-
militer perpetuo concessimus, & assigna-
vimus, una cum dictis Parochianis, & Sep-
ulturæ, aliisque juribus Parochialibus uni-
versis eidem auctoritate, & tenore, itidem
perpetuo abdicamus, dismembramus, &
separamus, illaque sic abdicata, dismem-
brata, & separata ad eandem Ecclesiam
Sancti Andreæ, illiusque Rectorem nunc, &
pro tempore existentem transferimus.

Erectio Hospi-
talis Maro-
nitarum.

§.2. Necnon apud Ecclesiam S. Joannis,
ac in illius domibus, ædificiis, hortis, hor-
taliis, membris, & pertinentiis hujusmo-
di unum Hospitale, in quo pauperes Pele-
grini Maronitæ, & alii ejusdem nationis in-
digenæ ad dictam Urbem confluentes, jux-
ta Ordinationem pro tempore existentis Re-
ctoris ipsius Hospitalis desuper faciendam
recipi, & caritate tractari, ac confoveri
debeant, auctoritate, & tenore similibus
etiam perpetuo erigimus, & instituiamus,
illique sic erecto, & instituto eandem Ec-
clesiam S. Joannis sine cura effectam, sive
pro dissolutione unionis, annexionis, &
incorporationis hujusmodi, sive alias quo-
vis modo, quem etiam si ex illo, quavis
generalis reservatio, etiam in corpore juris
clausa resultat, presentibus haberi volu-
mus pro expresso, & ex quibuscumque
persona, seu per liberam resignationem
cujusvis de illa in Romana Curia, vel ex-
tra eam etiam coram Notario Publico, &
testibus sponte factam, aut assequentem
alterius Beneficii Ecclesiastici quavis aucto-
ritate collati vacet, etiam si tanto tempo-
re vacaverit, quod ejus collatio juxta la-
teranen. statuta Concilii ad Sedem prædi-
ctam legitime devoluta: ipsaque Ecclesia
S. Joannis dispositioni Apostolicæ, specia-
liter, vel per dissolutionem unionis, an-
nexionis, & incorporationis hujusmodi, aut
alias generaliter reservata existat, illiusque
collatio, proviso, & quavis alia dispositio
ad aliquem ex ejusdem S. R. E. Cardinali-
bus, ratione Ecclesiæ, seu pro titulo, seu
denominatione sui Cardinalatus assignatæ
prætendat, & super ea inter aliquos lis, cujus
statum presentibus similiter haberi volumus
pro expresso, pendeat indecisa, cum domi-
bus, ædificiis, hortis, hortaliis, mem-
bris, & pertinentiis, eorumque situ, &
ambitu hujusmodi in perpetuum concedi-
mus, & assignamus. Ita quod liceat ipsius
Hospitalis Rectori, & administratoribus
pro tempore existentibus illorum omnium
corporalem possessionem per se, vel alium,
seu alios propria auctoritate etiam absque
udicis mandato, vel decreto libere apprehen-
dere, & perpetuo retinere, fructusque,
redditus, & proventus, jura, obventiones,
& emolumenta eorumdem in Hospitalis,
ac Ecclesiæ Sancti Joannis hujusmodi usus,
utilitatem, & necessitatem convertere.

§.3. Necnon eidem Ecclesiæ S. Joannis
per unum, vel plures Sacerdotes idoneos a
Vicario dictæ Urbis approbandos in divinis
deserviri facere, seu etiam in ea tot, quot
ipsis videbitur, Monachos Ordinis S. Anto-
nii primi Heremite sub Monastica discipli-
na, ac Ecclesiæ Maronitarum Præfatis pro
tempore existentis obedientiam degentes,
qui ibidem Missas, & alia Divina Officia
idiomate Arabico, & Caldaico celebrent
introducere, cujusvis licentia desuper mi-
me requisita.

§.4. Insuper prædictum Hospitale, &
personas in eo pro tempore degentes illo-
rumque Administratores, Officiales, &
Ministros, ac ipsius Hospitalis res, & bona

Exemptio Hos-
pitalis a visi-
tatione.

mo-

Exemptio a
quocumque
onere.

Designatio
Protectoris.

Clausula.

mobilia, & immobilia, presentia, & futu-
ra cujuscumque qualitatis, & quantitatis,
ac ubicumque locorum etiam in dicta Urbe
fuerit ab omni Jurisdictione, correctione,
visitatione, dominio, superioritate, & po-
testate pro tempore existentis Vicarii, Se-
natoris, Conservatorum, & Reformato-
rum dictæ Urbis, ac Gubernatorum lo-
corum, aliorumque judicum, & Officialium
quorumcumque in ipsa Urbe, vel alias
constitutorum.

§.5. Necnon idem Hospitale in propriis
ejus rebus, & bonis, ac alias cum ipso
contrahentes a solutione, & exactione om-
nium, & singulorum pedagogiorum, gabbel-
larum, bolletinorum, decimarum, & calio-
rum quorumcumque tam ordinariorum, quam
extraordinariorum onerum ex qua-
cumque causa impositorum, & imponen-
tium, & liberamus, ac sub Beati Pe-
tri, & dictæ Sedis, atque nostra protectio-
ne suscipimus, Nobisque, & eidem Sedi im-
mediate subjicimus, ac dilectum filium,
nostrum Antonium tituli Sancti Eusebii
Presbyterum Cardinalem Caraffam nuncu-
patum, ejusdem Hospitalis Protectorem, &
defensorem, cujus consilio, & ope omni-
no supradicta, & alia ad ipsius Hospitalis
illiusque honorum, rerum, & jurium,
tam spiritualium, quam temporalium sa-
lubrem directionem, administrationem,
ac personarum in eo receptionem, & dire-
ctionem, eorumque qualitates, pertinentia,
& alias quomodolibet necessaria agantur,
statuantur, & ordinentur, constituimus,
& deputamus, eidemque Antonio Cardi-
nali, & pro tempore existenti ipsius Hospi-
talis Protectori, Administratores, Recto-
res, Oeconomos, Advocatos, Procurato-
res, aliosque Ministros, & Officiales Hospi-
talis hujusmodi deputandi, ac amovendi,
& alios illorum loco substituendi, necnon
ordinatione, & statuta quæcumque licita
tamen, & honesta, ac sacris Canonibus, &
Concilii Tridentini Decretis non contraria
faciendi, & edendi, ac illa quoties pro re-
rum, & temporum qualitate, seu alias ex-
pedire videbitur, immutandi, corrigendi,
moderandi, & reformandi, ac alia ex in-
tegro condendi, quæ postquam edita, immu-
tata, correctæ, moderata, reformata, &
condita fuerint, eo ipso dicta Apostolica
Auctoritate confirmata, & approbata esse
censeantur, ac ab omnibus, ad quos pro
tempore spectabit etiam sub poenis in con-
travenientes statuendis observari debeant,
plenam, liberamque facultatem tribuimus.

§.6. Decernentes præmissa omnia, ac
presentes literas nullo umquam tempore,
sive pro eo, quod causa, propter quas hæc
omnia facta sunt, coram dicto Vicario,
vel quocumque alio examine, verificatæ,
& approbatæ, ipsiusque Ecclesiæ Sancti An-
dreæ Rector, & quicumque alii interesse
habentes ad id vocati non fuerint, nec eis-
dem præmissis consenserint, sive alias ex
quibusvis causis de subreptionis, vel obre-
ptionis, aut nullitatis vicio, seu intentionis
nostræ, vel quocumque alio defectu no-

tari, impugnari, retractari, seu etiam
revocari, suspendi, refringi, limitari,
aut in jus, vel controversiam vocari, seu
ad juris terminos redaci posse, aut sub
ullis similibus, vel dissimilibus gratia-
rum derogationibus, aut aliis contra-
riis dispositionibus sub quibuscumque
tenoribus, & formis, & ex quacumque
causa pro tempore factis comprehendi, sed
semper ab illis excepta, & quoties illa ema-
nabunt, toties in pristinum statum restituta
ac de novo concessa, ac semper valida, &
efficacia fore, & esse, nec non protectores,
administratores, & personas Hospitalis hu-
jusmodi pro tempore existentes ad presen-
tes literas in Camera Apostolica juxta Con-
stitutionem piæ mem. Pii Papæ IV. etiam
Prædecessoris nostri, sub data videlicet Idi-
bus Augusti Pontificatus sui anno sexto edi-
tam infra tres menses ibi ad id perfixos, seu
etiam postea ullo umquam tempore præ-
sentandum, intimandum, insinuandum,
vel registrari faciendum minime teneri, nec
ad id ulla necessitate cogi posse, & nihi-
lominus easdem præsentis literas, omnino
valere, & suffragari, ac suos effectus for-
tiri. Sicque per quoscumque Judices Ordina-
rios, vel delegatos, quavis auctoritate
fungentes, etiam Caesarum Palatii Aposto-
lici Auditores, ac ejusdem S. R. E. Cardi-
nales sublata eis, & eorum cuilibet quavis
aliter judicandi, & interpretandi facultate,
& auctoritate judicari, & definiti debere,
irritum quoque, & inane, si secus super
his a quocumque quavis auctoritate scienter,
vel ignoranter contigerit attentari.

§.7. Non obstantibus præmissis, ac rec-
mem: Bonifacii Papæ VIII. similiter Præde-
cessoris nostri, ac Lateranen. Concilii ulti-
mo celebrati, uniones perpetuas, nisi in
casibus a Jure præmissis fieri prohibentis;
necnon, quatenus opus sit, nostris de non tol-
lendo jure quaesito, unionibusque ad partes,
vocatis quorum interest, committendis, ac
exprimen. valore beneficii, etiam cui aliud
uniretur, aliisque Apostolicis Constitutio-
nibus, necnon Urbis, locorum, & Ca-
meræ prædictorum, etiam Juramento, con-
firmatione Apostolica, vel quavis firmitate
alia roboratis statutis, & consuetudi-
nibus, privilegiis quoque, indultis, & litem-
ris Apostolicis illis a Vicario, Senatore,
Conservatoribus, Reformatoribus, Ordina-
riis, officialibus, & Judicibus prædictis;
necnon ejusdem S. R. E. Camerario, dictæ-
que Cameræ Præsidentibus, & Clericis a
quibusvis Dohaneris, Commissariis, &
aliis personis ad exactionem pædagogiorum,
& aliorum onerum præfatorum pro tempo-
re deputatis, necnon Populo Romano, ac
quorumcumque locorum Gubernatoribus,
Universitatibus, Communitatibus, & homi-
nibus, sub quibuscumque tenoribus,
& formis, ac cum quibusvis etiam de-
rogatoriis derogatoriis, aliisque effica-
cioribus, & insolitis clausulis, necnon irri-
tantibus, & aliis decretis in genere, vel
in specie, etiam Motu, scientia, & pote-
statis plenitudine similibus, ac alias quo-

Derogatio
contrariorum

mo-

modolibet, etiam iteratis vicibus concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum nihil penitus omisso & forma in illis tradita observata inferti forent presentibus, pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliquis super provisionibus sibi faciendis de huiusmodi vel aliis beneficiis Ecclesiasticis in illis partibus speciales, vel generales dictae Sedis, vel legatorum eius literas impetravit, etiam si per eas ad inhibitionem, reservationem, & decretum, vel alias quomodolibet sit processum, quas quidem literas, & processus habitos per eandem, ac inde sequuta quaecumque ad dictam Ecclesiam Sancti Joannis volumus non extendi, sed nullum per hoc eis quoad affectionem Beneficiorum aliorum praedictorum generari, & quibuslibet aliis privilegiis, indulgentiis, & literis Apostolicis, quorumcumque tenoribus existant, per quae presentibus non expressa vel totaliter non inserta, effectus earum impediiri valeat quomodolibet, vel differri, & de quibus, quorumcumque totis tenoribus habenda sit de verbo ad verbum in nostris literis mentio specialis. Provisio quod propter posteriores concessionem, & assignationem nostras praedictas Ecclesiam Sancti Joannis huiusmodi debitis non fraudetur obsequiis, sed ejus congrua supportentur onera consueta.

Conclusio.

§.8. Nulli ergo omnino hominum liceat hanc paginam nostrae dissolutionis, suppressionis, extinctionis, abdicacionis, dismembrationis, separationis, translationis, dismembrationis, institutionis, concessionis, assignationis, exemptionis, liberationis, susceptionis, subiectionis, constitutionis, deputationis, tribuicionis, decreti, derogacionis, & voluntatis infringere, vel ei ausu temerario contraire. Si quis autem &c.

Dat. die 13. Janu. 1584. An.XII.

Datum Romae apud S. Marcum Anno Incarnationis Dominicae, 1584. Id. Januarii, Pontificatus nostri Anno XII.

CLVIII.

Ex Regestis in Secretis. Brev.

Confirmatio literarum Clem. VI. contra Fabricantes falsam monetam in Regno Francia.

GREGORIUS EPISCOPUS
SERVUS SERVORUM DEI

Ad perpetuam rei memoriam.

Exordium cū factis.

§.1. D Ecet Romanum Pontificem ad ea officii sui debito propensius intendere, per quae adulterina monetae usus ambitiosa cupiditate passim introductus, censurarum, & poenarum contra illius authores antiquitus promulgatarum, innovatione valeat opportune coerceri. Sane licet alias se, rec. Clemens Papa VI. Prae-

decessor noster antea per eum accepto, quod nonnulli nullam habentes auctoritatem Juris, vel consuetudinem, seu privilegium monetam facien. illam falsae cudabant, & fabricabant in Regno Francia, & locis circumvicinis, alii vero monetam fabricatam, sub signo tunc existentis Francorum Regis studiose depravabant, praesertim a suo pondere argenti, quamplures etiam in locis circumvicinis, quibus de Jure, aut consuetudine, seu privilegio competeat monetae fabricandae facultas, monetam suam Regiae monetae in signo, quantitate, rotunditate, figura, specie, & forma, quantum poterant, similes insculpebant, constituebant, & imponebant.

§.2. Et quamvis eorum moneta ad usurpata similitudinem huiusmodi sic fabricatam a justo pondere argenti, ac more, & consuetudine in Regia moneta servari solito deficeret, simplices tam, & populares personae non habentes inter monetas tantum similitudinis peritiam discernendi, quotidie, ea occasione in usu monetarum falsebant recipientes monetas falso simulatas pro veris, & denique alii scienter falsas monetas extra Regnum praescriptum emebant, & postea intra Regnum ipsum portabant, vendebant, & expendebant, vestigiis piae memoriae Joannis Papae XXII., etiam Praedecessoris nostri tunc sui inherendo eas, quae praemisissa moliri, aut fabricare, seu emere, vel portare ad Regnum praescriptum scienter praesumebant, excommunicationis sententia innodaverit, absolutione praedictorum sibi, & suis Successoribus, praeterquam in mortis articulo, reservata.

§.3. Nihilominus sicut charissimi in Christo filii nostri Henrici eorumdem Francorum Regis Christianissimi insinuatione nuper accepimus in Regno, & locis praedictis avaritia omnium malorum radix ita mentes hominum excecavit, ut multi propriae salutis immemores falsas, & simulatas monetas huiusmodi contra literarum praedictarum, ac etiam Regiorum edictorum tenorem fabricare, emere, & circumferre non vereantur, & exinde animae periculum, & detrimentum afferant, ac publicam ejus Regni quietem perturbent, maximisque incommodis, & difficultatibus involuunt. Ad funestam horum cupiditatem coercendam propositas in eos antiquitas poenas ad usum temporis diuturnitate forsitan obsoletum revocare volentes, ipsius Henrici Regis supplicationibus in hac parte inclinati, literas Clementis Praedecessoris huiusmodi cum censuris, & poenis in eis contentis perpetuo approbamus, & confirmamus, praesentisque scripti patrocinio communimus, ac etiam innovamus.

Causa Constitutionis, & confirmatio literarum Clementis VI.

§.4. Volentes, ac decernentes, quod praesentium transumptis, etiam impressis, manu alicujus Notarii publici subscriptis, & sigillo personae in dignitate Ecclesiastica constitutae munitis, eadem prorsus fides adhibeatur, quae adhiberetur eisdem praesentibus, si essent exhibita, vel ostensa. Et ne aliqui sub praetextu, quod notitia eorum-

Transumptorum fides.

rumdem praesentium ad eos non pervenerit, se excusare possint, quod transumpta, & impressa huiusmodi singulis Cathedralium, & Metropolitanarum Ecclesiarum dicti Regni valvis affixa, vim, & effectum verae, & realis publicationis, & intimationis eorumdem praesentium fortiantur, omnesque, & singulos, quos ille concernunt, perinde afficiant, ac si singulariter, & personaliter eis intimata fuissent.

Derogatio contrariorum.

§.5. Non obstantibus Apostolicis, ac in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque.

Dat. die 9. Februarii. 1584. An.XII.

§.6. Nulli &c. nostrae approbationis, confirmationis, communitationis, innovationis, voluntatis, & Decreti, infringere &c. Si quis &c.

Datum Tusculi Anno Incarnationis Dominicae millesimo quingentesimo octuagesimo quarto. Quinto Idus Februarii, Pontificatus nostri Anno XII.

CLIX.

Ex Regest. in Secretis. Brev.

Erectio Collegii Societatis Jesu Rigae in Partibus Poloniae.

GREGORIUS EPISCOPUS

SERVUS SERVORUM DEI

Ad perpetuam rei memoriam.

Exordium.

Immensa Dei providentia, a qua omnium bonorum operatio procedit, ea in suorum fidelium animis frequenter ingerit, quae ad Christianae Religionis instaurationem, & propagationem, publicamque utilitatem, & salutem sunt maxime profutura. Unde Nos, quibus cura, & solus Dominici gregis divinitus est commissa, ipsorum fidelium, praesertim Catholicorum Regum vota in id tendentia ex intimo cordis affectu libenter promovemus, & desuper officii nostri partes favorabiliter interponimus, prout rerum, locorumque circumstantiis debite pensatis conspiciamus in Domino salubriter expedire.

Facti series.

§.1. Sane Charissimus in Christo filius noster Stephanus Poloniae Rex illustris suo, & dilecti filii Claudii Aquaviva Praepositi Generalis Societatis Jesu nominibus Nobis nuper exponi fecit, quod cum in plerisque Regionibus, & Provinciis temporali Dominio dicti Stephani Regis subiectis pestifera haeresim, & impiorum dogmatum contagio longe, lateque grassetur, & divini nominis, veraeque fidei, & Religionis cultus passim prolatabatur; ipse autem Stephanus Rex in eam curam, ac cogitationem per quam errorum huiusmodi caligo depelli, fidesque, & religio ipsa, unde vera salus, atque etiam omnis spes redemptionis nostrae pendet, ibidem restaurari, & fulciri valeat, sedulo incumbens, nulla commodiori ratione id succedere posse speret, quam ut aliqua Collegia Clericorum, & Presbyterorum Regularium ejusdem Societatis, qui laboriosam, & indefessam operam in agro

Dominico colendo, vepribusque purgandis inter ceteros illius cultores cum multiplici fructu dietim praestare non cessant in diversis Regnorum, & Provinciarum praedictarum locis, praesertim ab eo e Moskovitarum potestate nuper recuperatis propagetur.

§.2. Porro inter profligati status Ecclesiastici huiusmodi reliquias Monasterium, Monialium Sanctae Mariae Magdalenae Rigae, Cisterciensis Ordinis a duabus dumtaxat Sanctimonialibus centesimo suae etatis annum, vel circa agentibus, & omnino decrepitis, nec ullas sui Ordinis sectatrices habentibus inhabitatur, ac proxime desolationi obnoxium, necnon quae a tempore memoriam hominum excedente, Restiore caret, dictoque Monasterio contigua, & forsitan illius membrum existit, seu ab eo dependet Ecclesia Sancti Jacobi ad usum ipsorum Clericorum, seu Presbyterorum Regularium expetentibus id maxime praedictis duabus Monialibus superstitibus, plurimum apta, & commoda fore noscuntur; praefatus Stephanus Rex nominibus praedictis Nobis humiliter supplicari fecit, ut Monasterium praedictum, ac in eo dictum Ordinem, omnemque illius statum, dependentiam, & essentiam regulares suppressere, & extinguere, necnon in illo, ejusque domibus, aedificiis, & adherentiis unum Collegium Clericorum, seu Presbyterorum Regularium ejusdem Societatis erigere, & instituire, ac alia infra scripta concedere de benignitate Apostolica dignemur.

Erectio Collegii praefati.

§.3. Nos igitur qui dudum inter alia volumus, quod petentes beneficia Ecclesiastica aliis uniri tenerentur exprimerent verum annum valorem, secundum communem estimationem, etiam beneficii, cui aliud uniri peteretur, alioquin unio non valeret, & semper in unionibus commissio fieret ad partes, vocatis quorum interesset, religiosum, & fervens dicti Stephani Regis in hoc opere aggrediendo studium propensae voluntatis affectu prosequi volentes, ipsosque Stephanum Regem, & Claudium Praepositum ac eorum quemlibet a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum ferie absolventes, & absolutum fore censentes, necnon fructuum, reddituum, & proventuum Monasterii, & Ecclesiae S. Jacobi huiusmodi, ac eis annexorum veros annuos valores, illorumque omnium, & singulorum bonorum, & rerum qualitates, situationes, confines, vocabula, & denominationes praesentibus pro expressis habentes, huiusmodi supplicationibus inclinati, Monasterium praedictum, ac in eo dictum Ordinem, omnemque illius statum dependentiam, & essentiam regulares Apostolica auctoritate, tenore praesentium suppressimus, & extinguimus, necnon in illo, ejusque domibus, aedificiis, & adherentiis unum Collegium Clericorum, seu Presbyterorum

rum Regularium Societatis hujusmodi, per unum Rectorem juxta ipsius Societatis pium institutum, regendum; & administrandum cum omnibus privilegiis, immunitatibus, prerogativis, favoribus, ceterisque tam spiritualibus, quam temporalibus gratiis, quibus alia ejusdem Societatis Collegia, illorumque Rectores, Clerici, Presbyteri, & aliae personae quomodolibet utuntur, potiuntur, & gaudent, ac uti, potiri, & gaudere possunt, vel consueverunt, aut in futurum poterunt, auctoritate, & tenore praedictis, etiam perpetuo erigimus, & instituiamus.

Designatio
Doris pro ip-
sus subfentatione.

§.4. Illique sic erecto, & instituto pro ejus dote, ac onerum eidem pro tempore incumbendum supportatione dictam Ecclesiam S. Jacobi cum omnibus, & singulis illius, dictique supressi Monasterii ambitu, circuitu, domibus, aedificiis, membris, adhaerentibus, annexis, villis, praeiis, terris, agris, possessionibus, insulis, fundis, vineis, censibus, jurisdictionibus, silvis, pascuis, hortis, hortaliis, decimis, fructibus, redditibus, proventus, juribus, actionibus, obventionibus, emolumentis, pertinentiis, ceterisque mobilibus, immobilibus, & fenoventibus, ac etiam feudaliibus, & allodialibus, tam intus quam extra Civitatem Rigen, ubilibet, etiam in Livonia, & Curlandia, seu Semigalea constitutis, & tam ex fundatione, quam dicti Sebastiani ejusque praedecessorum Poloniae Regum, necnon Ecclesiae Rigen. Praesulum, & Administratorum, ac aliorum quorumcumque dotatione, donatione, largitione, concessione, vel alias quocumque jure, titulo, & causa ad Monasterium supressum, & Ecclesiam S. Jacobi hujusmodi spectantibus, & pertinentibus, & praesertim eidem supresso Monasterio, non ita pridem ab ipso Sebastiano Rege restitutus, eorumque proprietate, & dominio cujuscumque qualitatis, quantitatis, pretii, & valoris annui sint, & in quibuscumque rebus, etiam rei vocabulo latissime sumpto consistant, ita quod liceat ipsius Collegii Rectori pro tempore existenti illorum omnium corporalem possessionem, per se, vel alium, seu alios dicti Collegii nomine propria auctoritate, etiam absque Judicis mandato, vel decreto, libere apprehendere, & perpetuo retinere, eorumque fructus, redditus, proventus, jura, obventiones, & emolumenta quaecumque in ejusdem Collegii usus, utilitatem, & necessitatem convertere, Dioecesanis loci, vel cujusvis alterius licentia de super minime requisita. Cum hoc tamen, quod dictis duabus Monialibus, quoad vixerint, in aliqua dictorum aedificiorum parte interiori, corpore ipsius Collegii distincta, vel alibi de congrua habitatione, ac omnibus rebus, ad quotidianum usum, & victum necessariis ab ipso Rectore provideatur.

Animarum,
cura injungi-
tur.

§.5. Praeterea ex quo Clerici, & Presbyteri Regulares hujusmodi, nedum in juventute, bonis moribus, salutaribusque scientiis, & disciplinis ornanda, & imbuenda,

verum etiam in concionibus habendis, aliisque fructuosis dictae Societatis ministeriis assidue occupati particulari cura animarum eorum fidelium, qui in dicta Civitate, & finitimis locis per misericordiam Dei ad Fidei, & Religionis cultum hujusmodi pro tempore reducuntur, exercitio, nec per otium vacare, nec per institutum eorum id amplecti possint, nec adhuc ibidem Rectores, aut Pastores, minusque Parochiales Ecclesiae, vel alia ecclesiastica loca pro exercitio cura hujusmodi instituta reperiantur, praefatus Rector unum, vel plures Vicarios idoneos ad ejus liberum nutum quancumque, & quavis causa subsistente, super quo ejus conscientia oneramus, amovibiles, qui curam animarum hujusmodi, & alia parochialia officia exerceant, deputare, eisque locum, & domicilium congruum in ipsius supressi, vel praefata S. Jacobi Ecclesiae, earum domibus, seu prope in loco decenti pro dictis Parochialibus officiis ob-eundis, & eorum commoda habitatione, necnon ipsius Collegii fructibus, & proventus cum primum ipse Rector eis frui libere coeperit, vel pro suo arbitratu, aliunde portionem annuam, quae ad dictorum Vicariorum sustentationem ipsius Rectoris judicio sufficiat, assignare debeant, donec Rigeni Ecclesiae de Episcopo sit provisum, qui Vicarios, sive Parochos cura animarum praeficiat, ac cujus, seu Regis munificentia, vel alias quomodolibet eidem Vicariis de aliis loco, domicilio, subsidio, & Ecclesia prospectum sit, quo casu si Rectori praefato ita visum fuerit, praefati Vicarii eidem Collegio liberum usum, tam supressi Monasterii, quam S. Jacobi Ecclesiarum, hujusmodi, earumque domorum, & locorum relinquere, & inde secedere teneantur, & interim ipsi Vicarii in bonis, & rebus ejusdem Collegii nullatenus se intromittere, ne quicquam in supressi Monasterii, & S. Jacobi Ecclesiis, eorumdem domibus, & locis hujusmodi, nisi secundum Rectoris praedicti directionem innovare possint, eisdem auctoritate, & tenore similiter perpetuo unimus, annectimus, & incorporamus, ac etiam applicamus, & appropriamus.

Claufula.

§.6. Decernentes suppressionem, extinctionem, erectionem, institutionem, unionem, annexionem, incorporationem, applicationem, & appropriationem, ac alia praemissa, praesentesque literas nullo unquam tempore, sive pro eo quod causa, propter quas haec omnia facta sunt, coram loci Ordinario, etiam tanquam a Sede praefata delegata examinatae, verificatae, & approbatae, ac interesse forsitan habentes ad hoc vocati non fuerint, nec desuper consensum suum praestiterint, sive alias ex quibusvis causis de subreptionis, vel obreptionis, aut nullitatis vitio seu intentionis nostrae, vel quocumque alio defectu notari, impugnari, retractari, seu in jus, vel controversiam vocari, aut ad terminos juris reduci posse, nec sub ulla similitudine, vel dissimulium gratiarum derogationibus, aut aliis contrariis dispositionibus, sub quibuscumque

que tenoribus, & formis, aut ex quacumque causa pro tempore factis comprehendi; sed semper ab illis excepta, & quoties illa emanabunt, toties in pristinum statum restituta, & de novo concessa, semperque valida, & efficacia esse, & fore, ac suos plenarios effectus sortiri, sicque per quoscumque Judices, etiam Commissarios, quavis auctoritate fungentes, etiam S. R. E. Cardinales, ac causarum Palatii Apostolici Auditores, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere, necnon irritum, & inane, quidquid secus super his a quoquam, quavis auctoritate, scienter, vel ignoranter contigerit attentari.

Derogatio
contrariorum

§.7. Non obstantibus priori voluntate nostra praefata, & Lateranen Concilii novissime celebrati, uniones perpetuas, nisi in casibus a jure permittis fieri prohibentis, ac si opus sit nostra de non tollendo jure quaesito, aliisque Apostolicis, necnon in Provincialibus, & Synodalibus Conciliis editis specialibus, vel generalibus Constitutionibus, & Ordinationibus, ac supressi Monasterii, & Ordinis praefatorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, eorumque superioribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, necnon irritantibus, & aliis decretis in genere, vel in specie etiam Motu proprio, & expressa scientia, ac de Apostolica potestate plenitudine, etiam iteratis vicibus concessis, confirmatis, & innovatis. Quibus omnibus etiam si pro illorum sufficienti derogatione, de illis eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua exquisita forma ad hoc servanda foret, illis alias in suo robore permansuris hac vice dumtaxat specialiter, & expresse derogamus. Ceterisque contrariis quibuscumque.

Exceptio.

§.8. Provisio quod propter unionem, annexionem, & incorporationem, nostras hujusmodi dictae Ecclesiae Sancti Jacobi debitis non fraudetur obsequiis, & animarum cura, si qua illi immincat, nullatenus negligatur, sed ejus congrua supportentur onera consueta.

Conclusio.

§.9. Nulli ergo omnino hominum liceat hanc paginam nostrae absolutionis, suppressionis, extinctionis, erectionis, institutionis, unionis, annexionis, incorporationis, decreti, & derogationis infringere. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 1.
Martii 1584.
An.XII.

Datum Romae apud Sanctum Marcum Anno Incarnationis Dominicae, millesimo Bull. Rom. Tom. IV. Par. IV.

quingentesimo octuagesimo tertio, Kalen. Martii, Pontificatus nostri Anno XII.
CLX.
Constitutiones Collegii Germanici.
GREGORIUS EPISCOPUS
SERVUS SERVORUM DEI
Ad futuram rei memoriam.

Ex Regest. in
Secret. Bre-
vium.

Extordium.

EX Collegio Germanico, quod superioribus annis in Urbe constitutum; magnisque hucusque sumptibus auximus, & locupletavimus, Religionis Christianae, praesertimque charissimae Nobis Germanicae Nationis, cujus causa initio institutum est, magna cum animi nostri voluptate jam fructus consequuntur, non mediocres. Unde magis in dies invitamur, ut studiosius in eam curam incumbamus: frustra tamen a Nobis suscepta esse omnia satis intelligimus, nisi illud quemadmodum optimis disciplinis, & sacra praesertim Theologiae doctrina curamus imbuendum, ita etiam salubribus Institutis communiemus, ut Juvenes in ipsum cooptati normam aliquam habeant, ad cujus praescriptionem, & ipsi suas dirigant actiones, & superiores omnia suorum momenta perpendant officiorum; atque illa lubrica, ac saepe prolabens, cujus iter cognitum est perdifficile in circumscripto ei a Nobis virtutis curriculo se exercens, suam modestiam probet, & continentiam; paternisque nostris monitis innitens, & monstratam semitam assidue tenens ad propositam Gloriam palmam, non illam quidem corruptibilem, sed aeternam inoffenso cursu deferatur.

Causa Con-
stitutionis eden-
dae, & Con-
stitutiones pro
Collegio Ger-
manico.

§.1. Quare Motu proprio, certa que nostra scientia in perpetuum statuimus, & ordinamus, ut pro subveniendis spiritualibus Germaniae necessitatibus, quod Collegii Institutio spectat, in opportunis ipsius Germaniae locis, viri aliqui pii, & prudentes constituantur, qui praeclearae indolis Juvenes conquirant, examinatosque Collegio proponant, ex quibus Collegii superiores optimos quosque deligent. Sint etiam Romae tres Examinatores, qui coram Rectore Collegii Juvenes examinent, eosque Juramento, quod tamen si superioribus minime necessarium videbitur possit remitti, approbent, aut reproben. Debent autem viri Religiosi, & Ecclesiastica Beneficia jam obtinentes alii praeferrari.

Ex quibus
Germaniae
Provinciis de-
ligendi sint
Alumni.

§.2. Juvenes vero in hoc Collegium admittendi ex Superiore Germania, Westphalia, Saxonia, Prussia, Rheno, atque ex Regno Hungariae, ut hucusque factum est, accipiantur, oportet enim ex Germania, Provincis praedictis centum Alumnos, quod in aliis literis Apostolicis fuit expressum in Collegio esse. Si vero aliqua Collegii loca vacua remanebunt, ea poterunt ex Aquilonaribus Provinciis haeresi etiam infectis expleri, modo Juvenes, ex his Provinciis valde sint idonei, Protectoresque, & Superiores eorum admissionem Catholicae Ecclesiae utilem fore judicaverint, & necessariam. Nemo tamen